



Selasa, 29 Oktober 2024

Ogen: Nehemia 11:12-14



"Anggota Keluarga Si Terberita"



\\ Cinta adalah energi utama yang membuat kita kuat dalam setiap perjuangan". Sada kalimat motivasi si mereken pergegeh man banta, maka labo erta si erbahansa kita paguh dingen meherga tapi keleng ate sialoken kita. Keleng ate si tentuna sialoken arah teptep kalak si ndeher ras kita,subuk sie pasangen entah pe anak-anak. Keleng ate erbahansa tep-tep kalak i bas anggota keluarganta ndatken kemalemen ate dingen arah keleng ate e ka erbahanca kita banci ndatken kai si isura-suraken; apakah e jabaten entah pe erta kinibayaken. Nehemia 11:12-14 nuratken kerna gelar-gelar si terberita i bas Pustaka si erdahin bas Rumah pertoton bage pe si jadi tentera si terberita arah terpuK Jedaya anak Joyarip. TerpuK enda banci datken gelar si terberita erkiteken keluarga/nini-ninina e me kalak si erkiniteken dingen nehken pengajaren alu ate keleng si mbelin dingen bujur man kerina anggota keluargana. Gelar si terberita bas terpuK enda labo erkiteken erta si melala si lit bas keluargana tapi erkiteken tep-tep keluarga nehken pengajaren alu ate keleng. Jumlah si la mbuesa bas terpuK e tapi banci jadi kalak si terberita, tentuna enda banci jadi erkiteken erkemalangen man Tuhan.

"Anggota keluarga si terberita", tema enda banci jadi bagin man keluargata. Lit anggota keluargata terberita (tentuna terberita erkiteken kiniulinna bage pe perkuah atena). Si enda banci jadi adi kita erkemalangen man Tuhan dingen nehken pengajaren alu ate keleng. Anggota keluarga si terberita erkiteken kiniulinna; erjabaten anggota keluarga e tapi tetap ia meteruk rukur bage pe nggit nampati; lit erta anggota keluarganta e tapi tetap ia nggit mperdiateken keluarga si bas kekurangan; terberita anggota keluargata erkiteken pendahinna si mehuli tapi tetap ia meteruk rukur. Tetaplah kita nehken pengajaren alu ate keleng gelah enterem anggota keluargata si terberita.